



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU POLITIČKE ORGANIZACIJE GRAĐANA „SNAGA BOSNE“

Broj: 03-07-6-320/15
Sarajevo, 30.03.2016.godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2.PREPORUKE	7

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Političke organizacije građana „Snaga Bosne“ za 2014. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka, poglavljem 15. Izbornog zakona Bosne i Hercegovine i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2014. godinu, utvrđeno je da je Politička organizacija građana „Snaga Bosne“ prekršila odredbe člana 5. stav (4), člana 11., člana 12. stav (2) i stav (3) Zakona o finansiranju političkih stranaka i odredbe člana 15. 1 stav (1) Izbornog zakona Bosne i Hercegovine.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Političke organizacije građana „Snaga Bosne“ za 2014. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Politička organizacija građana „Snaga Bosne“ nije ostvarila prihode, niti se finansirala iz kredita, što se vidi iz naredne tabele:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od pr.lica (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propag. (3-g)	0,00	
9.	Ostali prihodi	0,00	
I	Ukupni prihodi (1-9)	0,00	
II	Kreditno zaduženje kod banaka	0,00	
	Izvori finansiranja (I+II)	0,00	

U godišnjem finansijskom izvještaju za 2014. godinu Politička organizacija građana „Snaga Bosne“ iskazala je rashode u iznosu od 11.924,11 KM.

2. PREDSTAVLJANJE POLITIČKE STRANKE

Naziv političke stranke: Politička organizacija građana „Snaga Bosne“. Skraćeni naziv je P.O.G „SB“.

Stranka je upisana u registar političkih oraganizacija kod Općinskog suda u Sarajevu rješenjem broj: 065-0-F1-08-000014 od 04.02.2008. godine. Prema podacima iz rješenja o upisu u sudski registar, sjedište političke stranke je u Podlugovima-Iljaš, dok politička stranka u finansijskom izvještaju za 2014. godinu navodi adresu Ulica Žrtava genocida u Srebrenici bb¹.

Lica ovlaštena za zastupanje stranke u 2014. godini su Hajrudin Avdić, vd. predsjednika, Šemso Jusić, sekretar stranke i Fahrudin Salihović, vd. predsjednika Glavnog odbora stranke.²

Lice ovlašteno za podnošenje finansijskih izvještaja stranke za 2014. godinu je Šemso Jusić.

¹ Rješenjem Općinskog suda Sarajevo broj: 065-0-F1-14-000002 od 27.02.2014. godine promjenjeno je sjedište stranke koje glasi da je isto u ul. Žrtava genocida u Srebrenici bb, Podlugovi, Iljaš.

² Avdić Hajrudin je poslao obavještenje broj: 01/Pr-2/2015 od 22.12.2015. godine, kojom obavještava da je podnio neopozivu ostavku na mjesto vršioca dužnosti predsjednika stranke.

Prema podacima iz godišnjeg finansijskog izvještaja za 2014. godinu, Politička organizacija građana „Snaga Bosne“ nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Političke organizacije građana „Snaga Bosne“ za 2014. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Politička organizacija građana „Snaga Bosne“ u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Političke organizacije građana „Snaga Bosne“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

U prethodnom periodu od 2008. do 2013. godine, obavljen je pregled godišnjih finansijskih izvještaja stranke, nakon čega su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2013. godinu, izdat je izvještaj o pregledu sa mišljenjem revizora, nalazima i preporukama stranci da poslovne knjige vodi u skladu sa zakonskim propisima, odnosno da vodi evidencije o svojim prihodima i rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da dostavlja dodatnu dokumentaciju.

Nerealizovane preporuke:

Na osnovu uočenih nedostataka u godišnjem finansijskom izvještaju za 2014. godinu, utvrđeno je da je Politička organizacija građana „Snaga Bosne“ djelimično ispoštovala date preporuke.

5. NALAZI I PREPORUKE

5.1. NALAZI

a) Politička organizacija građana „Snaga Bosne“ je prekršila odredbe člana 5. stav (4) Zakona o finansiranju političkih stranaka.

Na osnovu izjave sekretara stranke³, utvrđeno je da stranka koristi poslovni prostor u privatnom vlasništvu bez naknade.

Uvidom u poslovne knjige utvrđeno je da stranka nije evidentirala nenovčanu donaciju po osnovu besplatnog korištenja poslovnih prostora, čime su prekršene odredbe člana 5. stav (4) Zakona o finansiranju političkih stranaka.

³ Izjava sekretara stranke Jusić Šemse od 20.08.2015. godine da je političkoj stranci ustupio prostor u privatnom vlasništvu bez naknade na period 01.01.2014.-31.12.2015. godine.

Politička organizacija građana „Snaga Bosne“ je korištenjem poslovnih prostora u vlasništvu fizičkog lica, bez plaćanja zakupnine, primila nenovčanu donaciju, koju je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2014. godinu.

b) Politička organizacija građana „Snaga Bosne“ je prekršila odredbe člana 11, člana 12. stav (2) i stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

Na osnovu obavljenog pregleda godišnjeg finansijskog izvještaja, utvrđeno je da Politička organizacija građana „Snaga Bosne“ nije vodila poslovne knjige u skladu sa računovodstvenim propisima, finansijski izvještaj nije podnijela u formi koju je propisala Centralna izborna komisija BiH i nije podnijela postizborni finansijski izvještaj- Opći izbori 2014. godina.

(1) Pregledom obrasca 1 (opći podaci o političkoj stranci), utvrđeno je da stranka u ovom obrascu nije unijela podatak o broju rješenja o upisu u sudski registar, što je suprotno odredbama člana 9. Pravilnika o godišnjim finansijskim izvještajima političkih stranaka- u daljem tekstu: Pravilnik.

- Stranka nije u obrascu 2 (pregled prometa svih transakcijskih računa) finansijskog izvještaja pravilno iskazala promet ulaza i promet izlaza, čime je prekršila odredbe člana 11. Pravilnika.

Stranka je na obrascu 2 (pregled prometa svih transakcijskih računa) iskazala sljedeće podatke: početno stanje na dan 01.01.2014. godine u iznosu od 1.880,23 KM, promet ulaza u iznosu od 13.668,14 KM, promet izlaza u iznosu od 13.662,09 KM i stanje na dan 31.12.2014. godine u iznosu od 6,05 KM.

Uvidom u izvode sa transakcionog računa broj: 1601080000017044 Vakufske banke za 2014. godinu, utvrđeno je sljedeće: početno stanje na dan 01.01.2014. godine u iznosu od 1.880,23 KM, promet ulaza u iznosu od 10.000,01 KM, promet izlaza u iznosu od 11.874,19 KM, i stanje na dan 31.12.2014. godine u iznosu od 6,05 KM.

- Kontrolom evidencija iz poslovnih knjiga, utvrđeno je da je stranka izvršila isknjižavanje-otpis obaveza prema jednom fizičkom licu u iznosu od 150,00 KM i obaveze prema drugom fizičkom licu u iznosu od 800,00 KM⁴, te je po tom osnovu ostvarila ostale prihode u iznosu od 950,00 KM.

Stranka nije u godišnjem finansijskom izvještaju iskazala ostale prihode po osnovu isknjižavanja grešaka iz ranijih godina u iznosu od 950,00 KM, čime je prekršila odredbe člana 13. stav (4) Pravilnika.

- Uvidom u obrazac 3-e (nenovčane donacije i i računi koje politička stranka nije imala obavezu platiti) i obrazac 3 (izvori finansiranja), utvrđeno je da stranka nije iskazala nenovčanu donaciju fizičkog lica po osnovu korištenja prostora bez naknade, odnosno nije iskazala prihode, čime je prekršila odredbe člana 13. i 18. Pravilnika.

Stranka, takođe, u obrascima 4 (ukupni rashodi) i 4.1 (režijsko-administrativni i ostali troškovi) nije iskazala troškove zakupnine, čime je prekršila odredbe člana 21. i 22. Pravilnika.

⁴ Uvid u analitičke kartice glavne knjige konta 30000 Dobavljači u zemlji i konta 30960 Kratkoročne obaveze prema fizičkim licima.

- (2) Stranka nije podnijela finansijski izvještaj za period od dana podnošenja prijave za ovjeru za izbore do dana ovjere rezultata izbora, čime je prekršila odredbe člana 12. stav (2) Zakona o finansiranju političkih stranaka⁵ i odredbe člana 15. 1 stav (1) Izbornog zakona Bosne i Hercegovine.

Troškovi predizborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM⁶ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije Bosne i Hercegovine, Politička organizacija građana „Snaga Bosne“ je u svrhu izborne kampanje mogla da potroši 41.669,35 KM.

Politička organizacija građana „Snaga Bosne“ u godišnjem finansijskom izvještaju nije iskazala troškove izborne kampanje.

5.2.PREPORUKE

Preporučuje se Političkoj organizaciji građana „Snaga Bosne“ da se pridržava odredaba Zakona o finansiranju političkih stranaka i člana poglavlja 15. Izbornog zakona Bosne i Hercegovine, a posebno na osnovu uočenih nedostataka se preporučuje:

- *da vodi evidencije o primljenim priložima,*
- *da vodi tačne evidencije o svojim prihodima i rashodima,*
- *da finansijske izvještaje dostavlja u skladu sa Pravilnikom o godišnjim finansijskim izvještajima političkih stranaka i*
- *da finansijske izvještaje dostavlja u rokovima propisanim Zakonom o finansiranju političkih stranaka i Izbornog zakona Bosne i Hercegovine.*

KOMENTAR

U ostavljenom roku, Politička organizacija građana „Snaga Bosne“ očitovala se na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2014. godinu. Stranka uz primjedbe nije dostavila dodatne dokaze i nije otklonila nedostatke u godišnjem finansijskom izvještaju, te Služba za reviziju nije mogla uvažiti date primjedbe.

šef Odsjeka za revizijske poslove

Sanja Tošović

Revizor

Nevenko Andan

šef Službe za reviziju

mr. sc. Hasida Gušić

⁵ Politička stranka podnosi poseban finansijski izvještaj za period izborne propagande na način kako je utvrđeno Izbornim zakonom Bosne i Hercegovine.

⁶ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.